



Bosnia and Herzegovina  
Federation of Bosnia and Herzegovina

**CANTON SARAJEVO**  
**Professional Office for Common affairs**

Broj: 17-11-9334-8/20  
Sarajevo, 30-04-2020 godine

Na osnovu člana 64. stav (1) tačka b) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst) i preporuke Komisije za nabavku roba u postupku javne nabavke za "Nabavku i isporuku računara i računarske opreme za potrebe organa Kantona Sarajevo" **LOT 2 – Kancelarijske mašine, oprema i potrepštine** (Zapisnik o pregledu i ocjeni ponuda broj: 17-11-9334-6/20 od 20.04.2020. godine), načelnik Stručne službe za zajedničke poslove Kantona Sarajevo, d o n o s i:

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za nabavku roba u postupku javne nabavke za "Nabavku i isporuku računara i računarske opreme za potrebe organa Kantona Sarajevo" **LOT 2 – Kancelarijske mašine, oprema i potrepštine** i dodjeljuje se ponuđaču "**FRACTAL**" d.o.o. Žepče, prema dostavljenoj ponudi broj: 166/2020 LOT-2 od 09.04.2020. godine u ukupnoj vrijednosti od **5.980,00 KM** bez PDV-a, a cijena sa PDV-om je **6.996,60 KM**.

**Član 2.**

Prijedlog ugovora dostavit će se na potpis izabranom ponuđaču u skladu sa članom 72. stav (1) ZJN. Izabrani ponuđač je dužan dostaviti originalne dokaze ili ovjerene kopije **po članu 45. ZJN** kao i **po članu 47. ZJN**, jer je u svojoj ponudi dostavio obične kopije u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi originalne dokaze ili ovjerene kopije o kvalificiranosti u navedenom roku ili dostavi neprihvatljive dokaze, smatrat će se da odustaje od ugovora.

**Član 3.**

Ova odluka objavit će se na web stranici ugovornog organa, <http://jn.ks.gov.ba> istovremeno sa upućivanjem iste ponuđačima koji su učestvovali u postupku javne nabavke.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 17-11-9334-0 od 02.04.2020. godine – "Nabavka i isporuka računara i računarske opreme za potrebe



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220  
Sarajevo, Reisa Džemaludina Čauševića 1





organa Kantona Sarajevo" LOT 2 – Kancelarijske mašine, oprema i potrepštine. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke za LOT 2 – Kancelarijske mašine, oprema i potrepštine bez PDV-a iznosi 6.000,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem: 1230-7-1-8-3-10/20 od 02.04.2020. godine.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je dostavila pozive sljedećim ponuđačima: 1. "TELNET" d.o.o Sarajevo; 2. "REBUS" d.o.o. Sarajevo; 3. "ASPO RAIL" d.o.o. Sarajevo. Rok za dostavu ponuda bio je 13.04.2020. godine do 11,30 h. Za navedenu javnu nabavku u uredno zatvorenim kovertama, dostavljene su ponude od sljedećih ponuđača:

1.	"FRACTAL" d.o.o. Žepče, ul. Prva bb, 72230 Žepče
2.	"ASPO RAIL" d.o.o. Sarajevo, ul. Alipašina 47, 71000 Sarajevo

U skladu sa Odlukom o pokretanju postupka, Komisija za nabavku roba formirana Odlukom broj: 17-14-38834 od 29.10.2019. godine godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu za dostavu ponuda. Zapisnik o pregledu i ocjeni ponuda broj: 17-11-9334-6/20 od 20.04.2020. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda dvije (2),
- da su blagovremeno zaprimljene ukupno dvije (2) ponude,
- da nema neblagovremeno zaprimljenih ponuda,
- da ponuda ponuđača "FRACTAL" d.o.o. Žepče ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.
- da ponuda ponuđača "ASPO RAIL" d.o.o. Sarajevo ne ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa. Ponuđač "ASPO RAIL" d.o.o. Sarajevo je dostavio ponudu koja ne ispunjava zahtjevane uslove iz tenderske dokumentacije u pogledu opisa predmeta nabavke i tehničkih specifikacija. Naime, u tenderskoj dokumentaciji (str. 19-21) u obrascu za cijenu ponude – robe (Kancelarijske mašine, oprema i potrepštine, Prilog2./LOT 2) pod rednim brojem 2. je zahtjevan skener sa preporučeni dnevnim radnim ciklusom od približno 6000 skeniranih dokumenata dnevno i sa gramaturom papira do 255 g/m<sup>2</sup>, dok je ponuđač "ASPO RAIL" d.o.o. Sarajevo u svojoj ponudi (str.38) kao detaljne tehničke specifikacije ponuđene robe ponudio skener sa preporučeni dnevnim radnim ciklusom od približno 4000 skeniranih dokumenata dnevno i sa gramaturom papira do 209 g/m<sup>2</sup>, a što nije u skladu zahtjevanim navedenim uslovima iz tenderske dokumentacije u pogledu opisa predmeta nabavke i tehničkih specifikacija. U skladu sa navedenim, ponuda ponuđača "ASPO RAIL" d.o.o. Sarajevo se odbacuje kao neprihvatljiva u skladu sa članom 68. stav (4) tačka i) Zakona.

Uzimajući u obzir da je Komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Nabavka i isporuka računara i računarske opreme za potrebe organa Kantona Sarajevo" LOT 2 – Kancelarijske mašine, oprema i potrepštine kako slijedi:

1. "FRACTAL" d.o.o. Žepče	100 bodova
---------------------------	------------



web: <http://vlada.ks.gov.ba>  
 e-mail: [sszp@sszp.ks.gov.ba](mailto:sszp@sszp.ks.gov.ba)  
 Tel: + 387 (0) 33 562-094,  
 Fax: + 387 (0) 33 562-220

Sarajevo, Reisa Džemaludina Čauševića 1





U skladu sa kriterijem "najniža cijena", **ugovor se dodjeljuje ponuđaču "FRACTAL" d.o.o. Žepče** u ukupnoj vrijednosti nabavke od **5.980,00 KM** bez PDV-a, a cijena sa PDV-om je **6.996,60 KM**. Za predmetnu nabavku će se zaključiti ugovor.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Pripremio: Almir Mešić, dipl.iur.  
Kontrolisao: Sedin Kozadra, dipl.ecc.

Prilog:

1. - Zapisnik o pregledu i ocjeni ponuda broj: 17-11-9334-6 od 20.04.2020. godine



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220  
Sarajevo, Reisa Džemaludina Čauševića 1

